

## حكاية وقت

حكاية وقت مش أكثر  
وهنساك فوق متتصور  
ولو قلبك هيوحشني  
أو أتمناك تيجي تشوفني  
هفكر قلبي بعمايلك  
وطبعك دا اللي بيحير  
حكاية وقت مش أكثر  
ولوع الحب روح وانسى  
مدام قلبك قدر يقسى  
وبيع الماضي والحاضر  
ويوم متقولي مش فاكر  
هصقفلك وأقول شاطر  
برافو قدرت تتغير  
حكاية وقت مش أكثر  
ولو يوم جيتلي من تاني  
تقولي بجد وحشاني  
هقولك لأ هقول آسفة  
ومهما حاولت مش فارقة  
خلاص قلبي أنا اتغير  
حكاية وقت مش أكثر